



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Obitus. cap. 8.

urn:nbn:de:hbz:466:1-10502

litaniam , primo quidam Ambrosiano ritu cum suis; deinde aliam Romanam more cum nautis habet ; quod iij Aronenses erant, vbi ritus est Romanus. postea fedens sacrum sermonem de celebri festo illo instituit. quo habito , distinctas quasdam conceptiones auditoribus tradidit , in quarum meditatione, contemplationeque taciti versarentur. Id cum horæ spatio factum esset , singillatim interrogauit , quid cogitassem. Deinde negotijs operam dedit : Forerium in Mefaucos dimisit, vt ibi de salute multorum ageret: & per homines recte sentientes; quæ de Calendario Gregoriano , proximis Rhaetorum comitijs recipiendo, posset, diligenter curaret . tū litteris, & supplicibus libellis perlegēdis sese dedit: etenim si Rhaeticū excipias , negotijs fere superioribus diebus abstinuerat, ne animæ exercitationes, & fructus impedirentur. In conspectum Aronæ cum venisset, litaniam repetijt . in oppido mansit in ædibus sodalitatis I E S V . Renato Comiti se excusauit ; quod ægrotus apud religiosos viros rectius esset ; vbi si quid accideret, propiora esset salutis adiumenta . Ibi igitur refectis tenuiter pro ægroti modo viribus , vt superioribus diebus fecerat; in lecto quieuit ad septimam noctis horam. mox cum surrexisset, tum diuinis contemplationibus, tum statim nocturnis precationibus operā dedit , usque ad lucem. Missæ sacram ad omnium sanctorum cultum fecit: in eo non solum nouitiae domus illius iuuentuti, sed alijs incolis multis , qui conuenerant , sacrosanctam Eucharistiam prebuit . tum sese in lectum retulit quintò febrim expectas, quæ quidem grauior fuit; quam solebat. atq; cum ex medicorum præcepto febre consistente , aquam cum hordeo coctam, calidam sumpsisset; moxque somno se dedisset; acrius inflamatus, adeo laborare coepit , vt numquam

postea integrum corpus habuerit. hi hilominus postero die mane , quo mortuorum suffragia celebrantur, in uitatus nauigandi commoditate , Mediolanum petere constituit. itaque statas quidem horarum preces obit; Missæ autem, quoniam tum demum facere nullo modo poterat , in ecclesia interest : lectoque in nauis patato ; lacu , mox Ticino flumine, indeque aqueductu , Mediolanum eo die vehitur.

Ibi medicis statim accersitis , sese oblius , curandum tradidit. altare in cubiculo collocari, sepulturæ Domini imaginem apponi ; eiusq; similem super conopei fulcra statui iussit; vt quotiescumque oculos tolleret , eam posset contemplari . aliam non dissimilem , Domini precantis , sanguineumque sudorem cum morti appropinquaret , effundentis , eisdem fulcris appendi mandauit, quam directo vide-ret obtutu: vt priora illa signa continuari facile quisque cognosceret . quamquam eiusmodi imagines, quotiescumque ægrotaret , ad solatium suum requirebat . Mane cum adhuc horarias preces , quemadmodum ad id tempus religiose fecerat, recitare vellet ; Patris Adorni suasu, satis habuit alium recitantem audire. cupiebat item, si febris remitteret, in facultum se conferre, ibique sanctissimum recipere sacramentum ; alioqui saltum ad altare cubiculi sui : sed neutrum licuit. cumque Pater suaderet, vt in cubiculo Missâ fieri pateretur , non consensit , ne quis forte sequi vellet exemplum. Post meridiem febris crescere, sextaque accessio obscure fieri ita cœpit , vt somnum quendam videretur inducere. Audieram eum quandoque narrantem de Egidio Mutinensi Episcopo , quem plurimi fecerat : cum mors immineret: quiesceti sese, ac penè dormienti similem præstitisse: qui cum saepius interpellaretur , finite me, inquit, tandem



dem quiescere , & cum Deo esse . Id cum eo tempore venisset in metem ; dixi subuereri me , ne Mutinensem Episcopum imitaretur : quod ille subridens ita negare visus est ; vt verum tamen ex parte crederes . veniunt me dici ; inspiciant . ita timent , vt morbum diuturnum , neque eum sine aliquo vita periculo prænuncient . at cum habita inter se consultatione , paulo post ad illum redeunt ; mortuiq; in brachio rursus obseruant ; tum vires ad exitum præcipitare , iamque interituras , præsentibus renunciant . Subitus , minimeque omnium expectatus casus , quam vehementer nec opinantes percusserit , non est cur explicare conemur . alijs significant : tacite simul lamentantur ; intimo dolore afficiuntur . nascitur statim , vt sacro sancta Eucaristia proposita , supplicationes in maiore , alijsque ecclesijs instituantur . Accedit Pater lachrymas ; quis enim se poterat continere ? euocari eum ait ex hac vita : ultima sacrorum subsidia non vide ri differenda . Adeo precipiti lapsu vires deficiebant ; vt ipsa loquendi facultas vix relinqueretur . calum tamen a quo prorsus animo accipiens , de sacramentis respondit , instare se maxime . Dun hæc pararentur ad aurem supplex petij ; dicere illud vellet , quod sanctus Martinus sub mortem dixisse legitur , Domine si ad hoc populo tuo sum necessarius non recuso laborem : nam & ante annos duodecim , cum grauissime ægrotaret , illud idem audieram usurpare . an secum dixerit , ignoro : sed aperitis illico oculis , meque intuens , consuetam omnino visus est obtutu saltem præstare benignitatem : quamquam idem vita ipsius , qui sancti Martini , tum euentus fuit . recte vero ille ad sancti illius Episcopi imitationem tunc inuitari potuit ; cui tum in vita , tum in morte multa habuit similia . verum suum , vt Marti-

Pars III.

nus præsenserit obitum , affirmare non audemus : quæ ante euenerunt , quæque nouimus , simplici narratione modo protulimus . Sed Martinus quoq; paulo ante mortem ecclesiastici negotij causa profectus , viribus corporis , vt Seuerus narrat , cœpit repente destitui : & aliquot dies vi febrium afflictus , non solum orationes , vigiliaque intermittere noluit , sed ne vilia quidem stramenta iacenti sibi supponi passus est : iacebat autem in cinere , & cilicio . Sanctissima igitur hostia celebriter allata , capite , brachijs , toto denique corpore Carolus nitebatur , vt assurgeret : sed nobis adiuuantibus sese ita saltē extulit , vt linea veste , ac stola collo inducta , religiose sacrosanctum viati cum acciperet : quod extrema vinctio rite adhibita statim secuta est . quibus in sacris officijs ipse , cum ritus postulabat , vna cum alijs sacerdoti respondere conabatur . reliquum tempus consumptum est in legendis diuinis scriptis de passione Domini , alijsq; quibus anima tali tempore iuuari , Deoque commendari solēne est . cum autē sensus paulatim restinguuntur , Annibal Altemius Comes eius affinis vna cum filio genibus positis supplex sibi petiit benedici ; quod idem fecerit omnes , qui aderant . manum ille mouit quidem , sed nisi alio adiuuante tollere non potuit , vt de more crucis signo benediceret . ciliicum illi cum sacro cinere impostrimus , ex instituto veteri ; quod ille in libro rituū ecclesiæ suæ renouari iussiferat : ac merito quidem vel ad eius asperitatem vita significādam id erat adhibendum . continuerunt liberiorem fletum familiares , quando ille aliquid sentire visus est : at cum animam agere cœpit : quæ res , & ad modicū tempus durauit ; & parum præ se tulit difficultatis : tū vero gemitus , lamenta , atque adeo eius latus eruperūt . hic vniuersitæ christi

L 3 D 2

næ reipublicæ iacturam: ille Mediolanensis ecclesiæ casum, & orbitatem: alius susceptorum ad Dei gloriam munerum dissolutionem: nonnulli priuata detimenta, miserabiliter flebant. Circum cubile locum, ex intimis quisq; morienti Patri quam potuit proximum, initio cœperat. id vsui etiam fuit; vt rem aliquam ab eius corpore sumeret, amoris, religionisque gratia, hic namque ceream agni imaginem è collo pendentem; coronam ille, qua precari solebat; alius caputolum; alij alia pie raperunt. quidam celeriter ad res alibi repositas venerunt: ex quibus pretiosissima sibi contigisse sunt lætati, qui flagellum, ex Varalli verberatione tinéntum sanguine; atque interuam itidem sanguineis guttis aspersam inuenerunt. idem adeo studium in plerisque postea viguit; vt ciliicum, tum illud quod imposuimus, tum aliud, quo vt solebat in infinitas particulas diuisum plurimis enixe postulantibus, sit distributum. aliæ res, libri, imagines, vellæ, omnibus vijs qua sitæ, & inter res charissimas habitæ. aliquid palearum in quibus iacuerat, si aliud non daretur, quedam lōginqua virgines postularunt. Periculi fama per ciuitatem vniuersam subito diffusa, cunctos commouuerat, ubique ciues in vijs, ubique lumina; palliū circulari; anxiò animo inter se interrogare; inter se factum narrare cum lachrymis. coacti subito longi ordines marium, foeminarumque omnis ætatis, cruce prælata, per vias procedebant, litaniamque habebant: quorum statu verba, alta flebilique voce prolatæ; admirabile est, quantum dolorem, fletumq; omnium augerent. Plurimi in ecclesiæ supplicatum confluxerunt. alij ad eum visendum concurrerunt; vt palatium Archiepiscopale, cubiculumque ipsum omnium fere ordinum multitudine statim complere-

tur. ipse etiam prouinciaz Guberna-
tor statim accurrit. Neque vero ca-
su fortassis evenit, vt magni Antisti-
tis obitum tot hominum genera co-
ram dolerent]. Principes viri, magi-
stratus, milites, patritij, plebei: non
Itali solum, sed Hispani, Germani,
Heluetij, Angli. viri ecclesiastici cu-
iuscumque propemodum generis,
atque ordinis. erat ea certe iactura
communis. virgines in monasterijs,
cum eo quoque celeriter nuncius pe-
netrasset, itidem commotæ, statim ad
precandum se se dederunt: ac tota fe-
re nocte quædam in supplicatione
permanerunt. ita, circiter tertiam
noctis horam III. non. Nouemb. die
sabbati, nos optimus Pater reliquit.
cumque charissimam animam hinc
euolasse, facie proprius admota expe-
rientes, cognouissimus; clausimus,
quoniam eramus à latere, relieti cor-
poris oculos.

Audita morte, is luctus, atque me-
ror fuit; vt in rerum omnium despe-
ratione versari ciuitas videretur. eos
equidem libere, ac effuse flere vidi,
quos à fletu penitus alienos, vel ob
charissimorum mortem, quisque fa-
cile iudicasset. neque vero subito do-
lor, aut paucis, vt fieri solet, diebus
desijt; immo auctus potius videtur in
dies: sciteque dixere quidam; hunc
dolorem, non vt alij, tempore minu-
endum, sed potius augendum; quod
quotidie magis perspiceretur iactu-
ra magnitudo. Rite curatum est cor-
pus inter familiarium oscula. quod
quidem macie sua maiorem etiam in
spectantibus doloris sensum efficie-
bat: videbatur enim propemodum
ossibus, pelleque tantum constare:
vt de eo fere, quod de sancto Basilio,
dici posset; cuius vitam is com-
memorare frequenter, sibique propo-
nere solebat: quemadmodum charta
laternæ circumdatur; ita pelle prope
arida reliquum fuisse corporis cir-
cumamictum. addebatur, quod, vt
qui-

Exequiz, ac
sepultura.
CAP. IX.